



A WROKO FU PAWLES INI KORENTE

«Wan neti Masra
taigi Pawles ini
wan fisiun, ' no
frede , ma taki ,
no hori yu mofi;
bika mi de nanga
yu e'n no wan
sma sa poti en
anu na yu tapu
fu du yu ogri
bika furu de na
ini a foto disi di
na mi folku'»
(Bosk.18:9,10)



Baka a brifi gi den sma fu Roma,den brifi gi den sma fu Korente na den moro langa brifi di Pawles skrifi.

Den tu brifi di tan , ben skrifi wan tu wiki fu makandra. Ini den, wi e feni wan aladei libi rai fu lusu setewasi di kon tangi fu problema mindri brada.

Fu ferstan den boskopu bun,wi musu sabi fosi a inbere fu sainde den ben skrifi.




A kari fu Pawles

A koiri go na Korente

A foto fu Korente

Den sma fu Korente

Den brifi gi den sma fu Korente



A KARI FU PAWLES

"Pawles, a apostel - di a no sma seni en, e'n a no wan man seni en, ma na Yeises Krestes nanga a Tata, di wiki en fu dede - " (Gal. 1:1)

Nanga den twarfu di Yeises ben teki, a Wortu e taki fu apostel leki Matewes (Bosk.1:26), Barnabas. (Bosk.14:4), Yakobes nanga Pawles. (1 Kor.15:7-9).

Fa Pawles tron wan apostel?

Na Yeises teki en (Gal.1:1)

O ten dati psa?

Ini en mama bere .(Gal.1:15)

O ten a kari kon?

Na a pasi fu Damaskes (Bosk.22:6,7)

Apostel fu suma a ben de?

Fu den Hijden. (Gal.2:9)



Fu a momenti di a kari, a libi fu Pawles ben spikri tapu Yeises. A ben e prakseri Yeises, a ben e taki abra Yeises, a ben e prati Yeises nanga ibriwan.

Dati ede , fu a fosi momenti di a doro ini Korente , na Yeises ben de a moro bigiwan ini den boskopu. (1 Kor.2:2).

A KOIRI GO NA KORENTE




"Baka disi, Pawles libi Ateine, dan a gi na Korente" (Bosk. 18:1)

A wroko koiri di e meki tu, a Santa Yeye dwingi en fu go na Eropa (Bosk. 16:6-10).Drape den poti en na doro na Filipi(Bosk.16: 12,38,39), na doro na Tessalonica (Bosk.17:5,9,10) e'n na doro na Berea. (Bosk.17:13,14).

Ini Ateine , baka di a preiki gi den Dyu ini den kerki e'n gi den Hijden na ondro woyo, a ben kari fu preiki na Areopages (Bosk. 17:16-21) . Baka wan koni taki , wan tu nomo ben de di teki Yeises.(Bosk. 17:34).

A libi Ateine , dan Pawles go na Korente,moksi nanga Akila nanga Preskela, drape den meki tenti. (Bosk.18:1-3).

Leki a ben gwentu , a bigin preiki gi den Dyu ini den kerki , dan gi den Hijden (Bosk.18:4-8) Di a ben tan na Korente, nanga baka a " brokosaka " na Ateine, Pawles teki a besroiti fu no gebroiki libisma koni, ma fu preiki sosi " Yeises Krestes, di ben kroisi kba".(1 Kor.2:2).



A FOTO FU KORENTE

"Fu tru furu 'gado' nanga furu 'masra' de" (1 Korente 8:5b)

Roma ben broko Korente ini 146 F.K. Baka ten Yules Seisar seni wan grupu fu ovruman nanga friman ini 46 F.K. Tef' kba a foto kon bun baka ini 44 F.K. Na a ten di Pawles kon fisiti drape, a ben wan spesrutu bai/seri presi.

A spesrutu fu Korente ben de a presi di a ben de, a langa pisi gron di ben hori den spesrutu moro bigi pisi makandra di ben de spesrutu bai- seri lampe: Legaum na a pikin Se fu Korente nanga Sengrea na a pikin Se fu Saronik.

A bai/seri fu Pawles di a ben e du gi en okasi fu wroko leki wan di e meki tenti. Ma a moni di ben e meki ini Korente (Ateine ben e streilibi nanga Korente) ben abi someni aka nanga maka.



Afkodrei nangra suta du ben furu ini foto ala pe yu e luku ala pe yu go. Furu fu den boskopu fu Pawles gi den fu Korente e meki muiti fu puru den sortu problema disi di ben e kroipi kon na ini kerki.



DEN FU KORENTE


"Dan Masra taigi Pawles ini wan fisiun na neti " No frede, ma taki, no hori yu mofo" (Bosk.18:9)

Den Dyu ini Korente poti a boskopu na wan sei, dati dwengi Pawles fu gwe fu a Dyukerki, dan a bigin kon makandra nanga den Hijden ini wan oso leti sei a Dyukerki.(Bosk. 18:4-7).

"A kron yeye fasi di a si mindri den Hijden nanga a sakasaka fasi owktu takru du di a kisi fu fen Dyu, gi en bigi sari na yeye fasi . A ben dege dege a koni fu proberi fu seti wan kerki nanga den sma di a feni drape." (EGW The Acts of the Apostle p. 250).

Na a momenti dati Yeises sori ensrefi na neti, ini wan fisiun fu kraka Pawles fu go doro nanga a wroko mindri den sma fu Korente. A gi en a dyaranti dati furu sma ben de di ben sa teki a boskopu.(Bosk.18:9,10).

A firi a kraka fu a fisiun disi, dan Pawles tan ini Korente , wan nanga af yari .(Bosk.18:11)Tef kba den Dyu tyari Pawles go na krutu (Bosk.18:12,13) Di a ten doro fu gwe fu Korente , wan bigi kerki ben seti. (Bosk.18:18).



DEN BRIFI GI DEN SMA FU KORENTE

“Bika mi kisi fu yere abra yu, mi brada , tangi fu a pipel fu Glu, dati tak taki de na yu mindri” (1 Kor.1:11)

1 Korente 1 - 6




Di a kisi fu yere, tangi fu Glu fu den difrenti problema di de ini a kerki, Pawles gi den rai abra :pratij sani na den mindri;sex di no bun: strei libi nanga huru.

1 Korente 7 – 16

A famiri fu Glu owktu tyari wan brifi nanga difrenti aksi fu a kerki abra sani, pe Pawles piki: trow; prati trow; tan yu wan sondro trow;nyan gi afkodrei;fa yu e tyari yusrefi ini anbegi, a gebroiki fu kado fu yeye;nanga a opo baka.

2 Korente

Disi na a tweide brifi di tan, ala di Pawles skrifi difrenti moro (kan de bifo den tu di ben tan nanga/ noso na den tu mindri nanga ten na den mindri). Ai klap gi den sma fu Korente, fu a fasi di den seti wan tu sani, ma ai sdon na den baka fu si grontapu nanga a ai grasi fu a bun nyunsu,fu no kon ondro a enflut fu a kulturu di lontu den.



“Den biskopu man fu Gado ini den bigi foto, no mus lasi ati fu a ogri nanga kruka, a takru, di den musu si, te den e du muiti fu prati a bun nyunsu fu a blesi libi. Masra sa meki den sortu wrokoman di kisi prisiri nanga a srefi boskopu di a gi apostel Pawles ini a ogri foto fu Korente; no frede, taki, no hori yu mofo; bika mi de nanga yu e'n no wan man sa prefuru fu du yu ogri: bika mi abi furu sma ini a foto disi. (Bosk.18: 9,10)[...] ini ala foto, ala di a furu nanga ogri e'n takru du, furu de di nanga yoisti leri kan tron baka man fu Yeises. Sofasi dusun kan feni a tru di e ferlusu e'n tyari kon na Krestes leki wan eigi ferlusuman.”